


洞霄圖志
二





洞霄圖志

(二)



3WTS09/06

編主五雲王

編初成集書叢

志 圖 霄 洞
冊 二

中華民國二十五年十二月初版

編者 鄧 牧

發行人 王 雲 五
上海河南路

印刷所 商務印書館
上海河南路

發行所 商務印書館
上海及各埠

◆D七〇八四
張

洞霄圖志卷第五

人物門

昆山之石不皆美玉而美玉自是而生。麗水之沙不皆精金而精金從此而得。求駿良駃騠者必之冀野。求豫章楠梓者必之晉山。誰謂紺髮方瞳鶴骨松貌之士而不由名山出哉。昔者廣成子高臥於螭洞。庚桑楚尸居於畏壘。三茅上征於句曲。兩錢輕舉於武夷。夫豈獨其人之卓異如此。亦山川之靈發之。故我郭許二真君鍊質窮谷。飛神霄霄。後世有志者聞而慕之。結荊誅茅成道而去者未易悉數。耳目所接不過千百之什一爾。其有被褐懷玉自同凡夫。湮沒不傳者蓋多也。對泉石而遐想。凌煙霞而浩歌。我輩亦若人爾。豈不與之精神皎皎。相往來於六合之外哉。敘人物第五。

列仙

晉

靈蹤郭真君

郭文字文舉。河內軹人。年十三。歷華陰山石室中。得石函。卽神虎內真紫元丹章也。後晉室亂。乃入餘杭大滌山。伐木倚林。苦殺爲舍。不置四壁。時猛獸害人。先生獨居十餘年無害。鹿裘葛巾。區種菽麥。或採箸以留鹽酪。有餘卽施貧人。一日有虎張口向之。先生視其口有橫骨。乃引手探去。明旦虎置一鹿舍外。適

有獵人來宿，因指與之。後虎服役如僕，從令負箬隨行，常置於鳳凰山側。先生貨藥歸晚，虎嗥，令其地嗥，時餘杭令頤公慶與葛洪共造其舍，攜輿俱歸，贈以草袴褶一具不受，手植三松，與虎游息樹下。王導聞其名，遣人迎之，不馭舟車，荷檐徒行，導置之西園，朝士咸往觀焉，頤然箕踞，傍若無人。溫嶠問曰：人皆有六親相容，先生棄之何樂？曰：遠行學道，不謂遭世亂，欲歸無路爾。又曰：飢思食，壯思室，自然之理，先生獨無情乎？曰：情由憶生，不憶故無情。又問：先生獨處窮山，死爲烏鸛所食，奈何？曰：埋藏者食於螻蟻，復何異？又問：猛獸害人，先生獨不畏耶？曰：人無害獸心，則獸亦不害人。又問：世不寧，則身少安，先生不出濟世乎？曰：非野人之所能知也。後復逃歸吳地，記載先生嘗扶木書之，上曰：金雄記，下曰：金雌記，蓋識管祚也。餘杭圖經云：檢先生區種處，尙在坎木處，有泉，亦稍涇塞。梁乾化三年七月，封靈曜真君，今臨安沖虛宮，武康郭林，餘杭天真仙洞，亦各有遺迹。

贊曰：典午雲擾之人，入山苦覆一室，豈云求安，箕踞西園，在朝聚觀，尙役猛虎，何畏達官，葛翁忘言，溫生愬顏，千古大滌，山空月寒。

歸一許真君

許邁，字叔元，一名暉，後改名元，字遠游，七世祖肇，後漢安帝時爲光祿勳，永初中大饑，人和食，肇救活四百八人，永建元年，拜司徒，子訓，孫和，並爲三公，至神仙者八人，先生與旌陽令遜，護軍長史稷，皆再從，兄弟早與王右軍父子周旋，及楊羲和真人，結神明之交，永和二年，入臨安西山，登岩茹芝，泐然自得，有終

焉之志。卽今大滌也。常謂餘杭山。是洞庭西門。潛通五嶽。與右軍書曰。自山陰至臨安。多有金堂玉室。仙人芝草。左元放之徒。漢末諸得道者在焉。後於山中師王世隆。著詩十二首。論神仙事。初以書棄妻。卽孫驃騎之女。妻有書答之。載丹臺錄中。其後妻亦入山得道。先生四十八。於大滌中峯丹成。天降玉童白鹿。下迎而去。垂語弟子云。吾有丹一劑。藏山中無骨。若下異日有緣者得之。梁乾化三年。封歸一真君。今有昇天壇在中峯。宋政和間。猶有卿雲。簫吹往來。

贊曰。陰德有後。篤生真才。結神明交。葆毓聖胎。十載天壇。功圓道賅。不有帝鄉。吾何歸哉。白鹿無迹。金丹久埋。隱隱簫吹。卿雲往來。

唐

潘先生

先生不知何許人。亦不詳其名字。徧游山川。於天柱止焉。自郭許二君仙去。泉石荒蕪。元封古壇。亦且湮沒。先生慨然發憤。請諸朝。唐高宗夙聞其名。爲敕創天柱觀。仍以四維之中。壁封千步。禁斷樵採。爲長生之林。錢武肅碑。略載其事。蓋漢武建壇後。歷年雖久。不過名山而已。至先生乃建爲宮觀。傳道至今。非所謂真師者哉。後於曹橋福業觀成道。事見雲笈。

贊曰。元封建壇。不可復稽。晉人造跡。煙草離離。先生得道。志尋幽栖。一旦金碧。照映山溪。名林長生。樵探莫窺。登覽長慨。神游何之。

葉天師

葉法善字道元。括蒼人。三世爲道士。身長九尺。能厭劾百鬼。卜居本州卯酉山。有巨石橫道。行者紆逕避之。遂投以神符。石自起。高宗召入問道。時睿宗明皇紀年廟號。已先知之。先天中。拜鴻臚卿。員外。置封。越國公。舍景龍觀。僚庶受錄者。不可勝數。開元中。與明皇於中秋夜。共游月宮。還過潞州。取玉笛。請上奏一曲。仍投金錢城中。越旬日。潞州奏中秋夜。有天樂臨城。兼獲金錢以進。年一百有七歲。後羽化。葬于松陽。百官縞素送之。初天師得道。來游天柱。適錢塘江。有巨蜃溺舟。經涉者苦之。青山鎮長沈愈來迎。於是往焉。時潮信未至。投丹篆江際。繫之以鐵簡。鎮於江心。遂絕其患。至今舟楫無虞。皆受賜天師也。已而回山。平居二十餘載。嘗役鬼神。建講堂觀門外。聽法者雲集。有仙花靈鶴之祥。載古跡門。

贊曰。神道設教。受知明皇。入覲顧問。出從翱翔。高高月宮。不見漁陽。人謀何及。天數適當。夜半鬼工。山中講堂。遺跡已化。茲人不亡。

吳天師

吳筠字貞節。華陰人。祖元。舉孝廉。父元亨。峽州刺史。先生通經誼。美文詞。舉進士。不中。性高介。不能與時俯仰。天寶初。召至京師。明皇與語甚悅。自請隸道士。乃入嵩山。依潘師正。究其術。與李白於高天師壇。參受上清畢法。初所與帝言。皆名教世務。帝嘗問道。對曰。深於道者。無如老子五千文。復問神仙治鍊。對曰。此野人事。積歲月求之。非人主宜留意。求還嵩山。及復過江。而漁陽兵起。識者以爲知幾。後居餘杭。天柱

山精思有感。行教於江漢。其文章與李白相上下。凡四百五十卷。禮部侍郎權德輿集爲序。大曆十三年。於宣城道觀焚香尸解。弟子邵翼元奉喪歸葬于天柱山西麓。私諡宗元先生。初天師嘗語其徒云。我死當遷神於天柱石室。蓋太上俾我鍊蛻之處。故從之。女冠王真一亦先生弟子。纔十餘歲。卽絕粒。誦黃庭經。天寶間於天柱山修道。今先生有天柱觀稿留山中。

贊曰。貞節深悟。道德五千。漁陽騎兵。知幾超先。飛鳥南渡。煙塵漲天。勞我華陰。息我于宣。巖巖石室。書劍藏焉。與誰同調。錦袍誦仙。

司馬天師

司馬承禎。字子微。號白雲子。河內溫人也。晉宣帝弟太常胤之後。唐襄州刺史仁敏之子。居天台山。事體元潘先生。傳辟穀導引術。無不道。後與陳子昂。盧藏用。宋之問。王維。孟浩然。王適。畢構。李白。賀知章。爲方外十友。睿宗召之。延問其術。對曰。爲道日損。損之又損。以至於無爲。夫心日所見。每損之。尙不能已。況攻乎異端。而增知慮哉。帝曰。治身則爾。治國柰何。對曰。國猶身也。故游心於淡。合氣於漠。順物自然。而無私焉。而天下治矣。帝嗟嘆久之。乞還山。賜寶琴霞帔。公卿賦詩送之。常侍徐彥博總而爲序曰。白雲記。盧藏用。早隱終南山。後登朝。見先生將還。指終南曰。此中大有佳處。何必天台。對曰。以僕觀之。仕宦之捷徑。爾藏用有慙色。明皇召入內殿。問以道。多祕不傳。女真謝自然。汎海欲詣蓬萊求師。至一山。見道士謂曰。天台司馬承禎。名在丹臺。身居赤城。真良師也。自然遂還求之。得度冲舉。一旦謂弟子曰。吾於玉霄峯。東

望蓬萊。常有真仙降駕。今爲青童君所召。須往矣。俄頃蛻去。詔贈銀青光祿大夫。謚正一先生。帝親爲製碑。韋邕作傳。文集行於世。初天師常往來天柱山。故錢氏碑曰。被褐幽人。據梧高士。挹澄泉之味。息青蘿之陰。葉天師法善。朱法師君結。吳天師筠。暨天師齊物。司馬天師承禎。夏侯天師子雲。皆棲神物表。繼踵雲根。出爲帝王之師。歸作神仙之侶。

贊曰。晉室神霄。寄身赤城。霞帔辭顯。丹臺著名。播以聲詩。有唐公卿。東望蓬萊。列仙降迎。女真氏謝。開道服膺。一日乘雲。渺焉上征。

夏侯天師

夏侯子雲。不詳其字。從峨眉山來。年二十。狀貌甚古。投司馬天師門下。夙興夜寐。勤侍巾盥。凡十數年。未嘗一日怠缺。與物無競。不屑世務。其師愛之如子。及師羽化。乃於大滌山中。築藥圃。種芝朮之屬。常言古聖人。以上藥養神。中藥養性。下藥遣病。可使人神靈。可使人性明。可使人病愈。有藥圃詩云。綠葉紅英遍。仙經自討論。偶移岩畔菊。勸斷白雲根。好作詩。輒棄其藁。故罕有傳者。或縱神游曰。熙熙自得。歸院則掩戶經日。寂無所聞。有鄰院道士。窺見一草衣人同坐。亦瞑目不語。至暮啓關伺之。則無所見。天復中。乘異獸歸隱東峯。不知所在。

贊曰。司馬之門。入室者希。峨眉山人。狀貌魁奇。穎甲紺芽。黃精紫芝。采采餘閑。臨流詠詩。異獸可馭。東峯何之。千古莫識。誰爲草衣。

朱法師

朱君緒字法滿。餘杭縣人。年十八入道。居玉清觀。閉戶下帷。終日燕坐而已。後以玉清地迫。喧囂不可久處。乃拂衣入天柱山。數年道成。一日微疾。修起命水澡浴。具冠褐。焚香端坐。暨齊物。朱韜光等。知當羽化。跪泣而辭。師曰。吾於彭殤存亡。齊之久矣。悲忻頓戀。何有於其閒哉。然道妙寂寂。感者通焉。神理冥冥。契者昭焉。吾言之矣。汝知之矣。言訖而逝。時開元八年五月二十九日也。

贊曰。道妙寂寂。神理冥冥。心曉所悟。下帷玉清。晚入天柱。積年道成。談笑觀化。身如羽輕。奚悲殤子。奚羨彭彭。萬古一電。誰爲死生。

賢大師

賢齊物。字子虛。師玉清觀朱法師君緒。受法錄神祕方。救物不息。後隨入大滌山精思院。翬垂象樓三閒。又名書樓。積書數千卷其上。日以著述爲事。每講貫元學。聽者歎服。錢氏賜度弟子。對曰。樂靜久矣。不願有之。王曰。師必鬼神侍衛。凡徒何爲哉。所居室壁。東西各置一竅。採煉日月光華。每語人云。吾非久往。羅浮石樓矣。一旦不知所之。

贊曰。相思古院。強學不息。書樓插天。萬卷委積。能書何爲。飲月漱日。面腴玉華。腹果金液。神游八表。不假羽翼。羅浮石樓。一往無迹。

閻丘元同先生

閻丘方遠字大方舒州人。生州之天柱山下。二十九歲師香林左元澤。既得道已。乃徧尋名山。至餘杭天柱。異而止焉。蓋餘杭與舒州。咸有天柱山。傳記所載。天有八柱者也。錢武肅王師事之。號元同先生。唐景福二年。爲築上清壇。榜草堂。每三元開授法籙。乾寧二年。與先生相度地理。改觀基爲甲向。營建一新。表奏其道業於朝。昭宗累詔不起。乃就加命服。賜號妙有大師。光化三年。親製觀記。稱先生朝修虔懇。科戒精嚴。實紫府之表儀。乃清都之輔弼。加以降神之地。卽舒州之天柱山也。身生天柱之前。往脩天柱之下。察其符契。信不徒然。蓋撫薦章語。天復二年二月十四日。沐浴焚香。端坐返真。顏色不變。有異香三日方散。是夜武肅王夢先生騎鶴訪別。明日計至。及就塋。但空棺而已。後有人見於臈阜。自言我捨大滌。歸隱滌山天柱源也。先是太平書領書。自漢于真人傳授。卷帙浩繁。複文隱秘。先生鈔爲二十卷。文約旨博。學者便之。弟子夏隱言等十人。受思真鍊神之旨。今道院僅十八齋。而派出先生者。十有四焉。

贊曰。降神古符。得道餘杭。兩柱擎天。千里相望。殊庭翼翼。命服煌煌。鶴背永訣。麤首空藏。先生曷歸。匡廬阻長。厥有神孫。百世彌昌。

鄭冲素先生

鄭元章字博文。幼號神童。十五歲辭親學道。依真系大師李歸。李特爲建星壇。授上清畢法。精修不倦。景福二年。與元同先生同居天柱山精思院。武肅王因命入開元宮。啓建壇籙。門下受度弟子一百三十餘人。王表奏朝廷云。啓建日有彩雲臨壇。仙鶴五百餘隻。旋繞空中。昭宗賜紫衣。號正一大師。冲素先生累

乞歸山。王親駕送於郊外。至精思院。旬日間。忽沐浴端坐。語門人曰。今洞庭使者。在此迎吾。吾當去矣。汝等精勤戒行。勿爲諸惡。儻然而逝。體柔如生。享年六十有八。王命府官縞素葬於本山。

贊曰。唐武肅王。貴德尊道。師贊閭丘。肆闡元教。靈鶴回翔。彩雲縹緲。紫衣疏榮。正一異號。星壇甫撤。洞庭已召。勒名豐碑。泉石有耀。

宋

常先生

常中行。錢塘人。師河南馮德之。形貌奇偉。落魄不拘檢。好飲酒。及音律。篋無留金。所有一簫一笛而已。常曰。陰符經。有強兵戰勝之道。非外事也。亂吾真者。不能入。卽戰勝爾。多往來餘杭浣坊。得錢悉市酒。有趙道人。啖瓦礫如餅餌。先生一見愛之。引入臥內。對飲達旦。每醉。則袒肩曰。皮如鐵。肉如石。皆從脩養得。治平四年六月。語弟子沈日益曰。吾不久居此。假臥俄頃。起曰。嗟乎。吾未能出。卽於几案間。設鑑一小盂。一時時取視之。神色怡然。越三日而逝。葬天柱峯下。明年正月。往杭州。見故人胡達夫。值不在。留刺而去。胡他日。聞先生解化。亟求其刺。已失所在。是歲遠日。或芟壙草。見兩竅。僅啓。驚請衆觀之。探以杖。空空如也。歲餘。其徒有解后於茅山者。

贊曰。忘情杯觴。寄興音律。強兵戰勝。厥有奇術。隱几懸解。對鏡神出。馬鬣無恙。鶴形已失。逢人句曲。不異平日。何年吹簫。重過石室。

喻冲和先生

喻天時字齊仲號蟾華子自幼隸業洞霄政和間以詩科試中選精天文歷數識緯醫藥之學至顯雷召雨旋著靈異宣和間敕任信陽軍神霄萬壽宮朝廷屢遣使降香祈禱有感賜號冲和先生淳熙三年以故之徽州太守沈君禮遇之一日別太守云上天召我朝廷亦召我且赴上天召也第去之日疾雷大雨毋恐居旬日信然太守具其狀上聞而朝廷果欲召之且遣使矣先是嘗語其徒曰我死歸雷部爲仙君治世間不平事是時以雷雨爲驗其徒奉喪歸藏於大滌山棲真洞側

贊曰齊仲博學聞名政和黃冠入試以詩擢科坐檄雷雨不煩搗呵中使函香屢至岩阿宜室耿耿玉樓表我回顧下土不平謂何

陸石室先生

陸維之字永仲一名凝字子才餘杭人少以計偕入汴道遇異人謂曰秀才難望科第不如還山贈以丹一粒且或俟緩急用之及下第歸舟循汴河風激浪怒且將覆追憶前語以舟投之風浪始息河上有呼其姓名者則所遇異人也自是有超世之志隱于大滌山之石室人因以石室稱之消搖林谷詩酒自娛嘗觀湖鏡塘有醉江月詞云遠山一帶遇晴空極日天涯浮白楓落鶉翻談笑處不覺雲濤橫席酒病方蘇睡魔猶婦一掃無留迹吳帆越棹恍然飛上空碧長記草賦梁闌凌雲筆勢倒三江秋色對此驚心空悵望老作紅塵閑客別浦煙平小樓人散回首千波寂西風歸路爲君重噴霜笛高宗嘉賞欲召見辭疾

不赴。及上退處北宮，嘗幸大滌，憲聖亦偕行。上問山中詩客，或以維之對進其行卷，上讀數首，太息曰：布衣入翰林可也。欲歸與孝宗言之。憲聖曰：山林隱士，必不求名，強之出山，乃大勞苦，遂止。未幾以疾卒。太傅關注子東贈先生詞序云：吾鄉陸永仲，博學高才，自其少時，有聲場屋，今棲白鹿洞下，絕葷酒，屏世事，自放塵埃之外，行將六十，而有嬰兒之色，非得道者，能如是乎？乃作水調歌頭一闕，詞云：鳳舞龍蟠處，玉室與金堂。平生想望真境，依約在何方。誰信許君丹竈，便與吳君遺劍，只在洞天傍。若要安心地，須是遠名場。幾年來，開林麓，建山房。安眠飽飯清坐，無事可思量。洗盡人間憂患，看盡仙家風月，和氣滿清揚。一笑塵埃外，雲水遠相忘。先生嘗進百論，有石室小隱集三卷，臨終了然，書一詩云：岳南之館白雲端，鳳笛龍簫徹廣寒。一鶴曉飛沖碧落，羣仙笑倚玉闌干。

贊曰：永仲逍遙觴詠自娛，年過八十，髮青顏朱，金丹弗餌，玉堂弗居，空負石室，平生著書，鳳笛龍簫，洋洋騰虛，笑領羣仙，薄游帝都。

王元素先生

王朴，字元素，其先北京大名府人，避地轉徙至臨安，愛金輔山川之勝，因家焉。初蜀之青城，有方士五，結侶東南游，至浙右中，一人忽曰：吾塵緣猶未斷，更當爲人子三紀，揖衆別去，莫知所之。先生父球，以積善聞鄉里，室潘氏，孕及月，一夕夢偉丈夫，衣冠甚古，跨白鹿入門，驚寤而生。先生方在襁褓，口吻常啾嚶，若有所誦，人以菖茹啖之，輒搖手作摩去狀，既長，丰神峻整，未嘗學詩，而觸景吟詠不凡，及冠，苦不願娶，父

母訶責不得已受命婚之夕婦至乃從間道出走家人徧索得之野外力挽以歸既得子而婦喪長嘯曰吾責已塞況有三弟可與父母訣矣遂棄家結茅大滌山石室與隱士陸永仲鄰居講求脩真鍊養之術有閒則更倡迭和見者咸謂與寄飄飄真不食煙火語後歸省親其舍旁有嶺一綫之蹊臨懸崖千仞往來苦之先生贊其父闢爲夷塗翼以闌橋以便行者訖工乃歸未幾沐浴趺坐而化年果三十六永仲遣報其家翌日父母俱來忽舉首開目微哂復瞑陸君讚其像曰彭氏之壽顏氏之夭誰得誰失春花秋草山雲卷舒水月昏曉本自不動彈指中了瘞於石室之麓有一白鹿呦呦循行冢上忽不見其徒以其字私謚元素先生

贊曰青城故人長掛別去積善之家夢已驚寤既償宿因復遠所怙結交石室究竟龍虎三十六年如日斯暮呦呦白鹿空繞獨墓

楊先生

楊迺誠字叔閑涪川人爲州之定光觀道士東游襄漢荆吳久而息大滌山中形貌頎竦顏如渥丹目光射人帶索直布寒暑如一飲酒至斗不醉或終日坐林中無知者名聞當時高宗居德壽宮召見與語甚悅慈福太后問道要以師事之爲築室於宮之通明館側又建菴西湖延祥觀以便往來棲息有旨促召則麻鞋入見淳熙初力乞西歸越三載旨遣使往唁方見其坐蛻旋具奏內帑黃籙追嚴之命高士何守澄進青章有子仙凡相遠罔知脩短之期道俗雖殊固有師資之禮

贊曰：山林高蹈，不釣聲名，爲帝者師，亦何足榮。斗酒一布，浩歌徒行，鶴歸大滌，蟬蛻通明，斷夢西湖，飛神南冥，青章追慕，九重至情。

陳寢虛先生

陳君良孫，南渠人。童年得道，隱居杭吳山，修煉丹成，獨喜天柱，每與幽人韻士往來其間，常離地三尺，懸虛而臥，因號寢虛先生。窮冬積雪，洛溪澗中，路無寒色，自餘靈異，不可殫紀。有紫極觀過天柱山詩云：道在吾身宇宙寬，朝躡雲岫暮雲關。丹爐不服春風轉，欲度世人那得閑。

贊曰：列子御風，先生寢虛，風尙有託，虛獨安居。至人行世，匪血肉軀，其中不有，外焉取餘。人以爲幻，我以爲如，紛紛談仙，勿誑迷愚。

朱妙行先生

朱真靜，字復常，杭臨安人。自幼好學，丹經元文，一覽輒通其意。每春，自攜籃入山摘茶，有客至，掌鑿爲供，不事茶具。真率可想見。嘗意行，經宿忘返，諸徒方驚憂，忽歸云：吾游大滌洞，遇道人，碧巾黃衣，相攜至馴虎巖下，坐語移時而已。不謂經宿也。題壁問曰：經書那得語，虛無荆棘林中有坦塗。不遇異人真口訣，誤人錯下死工夫。一日整冠裳謝同衣，遂登石室，宴坐垂二十載。名聞于朝，遣中使召不起。初先生入山，猛獸巨蛇，屢至左右，舉手麾之，悉遜去。有病者扣門求救，噓氣按摩，無弗愈者。淳祐癸卯夏，語諸徒曰：吾卜中元，別此山矣。及期，書偈曰：去來如一，真性滿然。風收雲散，月在青天。趺坐而化，膚瑩眼碧，不異生時。理

宗聞之哀悼，賜宸翰，特贈妙行先生。

贊曰：丹經萬卷，讀者茫昧，復常一閱，意領神會，抱元石室，二十餘載，猛虎伏藏，巨蛇引退，揮偈脫穎，跌坐委蛻，青天湛然，素月常在。

國朝

周崇道先生

周允和，字謙甫，號清溪，杭仁和人。初生有雷，殷殷發地下，鄰里驚異。十八歲入大滌，師沖妙先生，性淳謹，奉師長，不憚細務，交游無親疎，極力周急，作詩無塵俗氣。游江湖間，遇可師者，輒請傳性命學，瞑目宴坐，或終日，宋淳熙初，貢醮內庭，賜號妙有大師。七年，開山沖天觀，未幾遷太一宮，觀妙齋，高士與椿雪巖、郭似山爲方外友。丙子春，避地山谷間，鄉鄰相率衛之，曰：勿怛吾善人。今至元戊寅，授崇道沖應清真大師，洞霄主席。壬午三月，兼領太一宮。秋九月，復還九鎖。乙酉七月，初夢游大滌洞天，見數仙人吟詠，一指示云：蒼然碧空碧，指點人不識。我來契宿緣，鐫記雲根石。二十五日，沐浴正衣冠，召徒衆環集，云：時昔之夜夢游，有頰仙人示吾歸期，記日錄。昨暮見星大如月，西墜，今往矣。歷歷敍別已，端坐而化，神色不變。自朱妙行尸解後，再於先生見之，壽六十六。

贊曰：謙甫蚤年，問道江湖，夫豈無得，瞑目燕居，夢游洞天，宿緣旣符，明日殞星，晝歸來乎，妙行仙去，追踪者疏，不有若人，則吾道孤。